

REKONSTRUKCIJA R-401, PROLAZ KROZ BUŽIM L=0,6 km

Regionalna cesta R-401 povezuje magistralne ceste M-4.2 i M-14, te prostorno povezuje Općine Bos. Krupa – Bužim - Velika Kladuša. Regionalna cesta R-401 je saobraćajnica koja povezuje veći broj naseljenih mjesta razvijenih uz cestu ili naselja koja se neposredno priključuju na istu. Ona je značajna za prostorni, privredni i društveni razvoj regionalne zajednice.

Općina Bužim kao najmlađa opština Unsko-sanskog kantona ima specifične prostorne i prirodne elemente koji ograničavaju njen društveni i ekonomski razvoj. Topografske i orografske karakteristike terena ograničavaju razvoj opštine u veći centar gradskog tipa. Regionalna cesta R-401 prolazi kroz samo Opštinsko jezgro, i predstavlja gradsku ulicu sa intezivnim gradskim saobraćajem, na koju se priključuju druge značajne ulice i saobraćajnice kojima su povezani stambeni, poslovni i drugi urbani sadržaji Općinskog centra.

Postojeća saobraćajnica postala je usko grlo u odvijanju gradskog saobraćaja prvenstveno zbog neadekvatne širine poprečnog profila, neadekvatne i dotrajale kolovozne konstrukcije, neprimjerenog sistema odvodnje i drugih komunalnih instalacija, a posebno nedostatka pješačkih staza (trotoara). Postojeća cesta nije tretirana kao gradska saobraćajnica, te joj nedostaju bitni sadržaji za bezbjedno odvijanje saobraćaja. Intezivan saobraćaj, nedostatak trotoara, nedostatak mjesta za parkiranje, urbani centar sa tranzitnim saobraćajem i većim brojem pješaka od kojih su značajno pješaci-đaci iz škola, postavlja nove zahtjeve od kojih je rješenje navedene ceste kao gradske ulice, te izgradnja obilaznice za tranzitni saobraćaj.

S toga je Direkcija za ceste naručila projektnu dokumentaciju, te u toku 2009. godine izvršila potpunu rekonstrukciju u dužini L=600 m kojom su bitno poboljšani građevinski i saobraćajni elementi ceste. Projektom rekonstrukcije projektovana je rekonstrukcija postojeće ceste sa elementima gradske saobraćajnice. U planu je potpuna rekonstrukcija u cijeloj dužini prolaza kroz Općinski centar. Takođe je u toku rješavanje gradske obilaznice, te bi potpuna rekonstrukcija i izgradnje ove dvije kapitalne saobraćajnice značajno unaprijedilo urbane i prostorne kapacitete Općine Bužim.

S tim u vezi izvršeno je slijedeće:

- Proširen poprečni profil ulice sa izgradnjom potpornih zidova za osiguranje trupa ceste.*
- Izgrađene pješačke staze (trotoari)*
- Izvršena sanacija kolovozne konstrukcije.*
- Urađena savremena odvodnja sa oborinskom kanalizacijom.*

Učesnici u projektu:

Investitor: Direkcija za ceste- Bihać

Projekat: Zavod za saobraćaj GFS- Sarajevo

Konsultant (nadzor): Zavod za saobraćaj GFS- Sarajevo

Izvođač: „Kov-grad“ d.o.o Bužim

Vrijednost investicije: 560 000,00 KM

Potpunom rekonstrukcijom regionalne ceste R-401 koja prolazi kroz centar Općine Bužim, sa elementima gradske saobraćajnice, dobit će se savremena saobraćajnica sa svim propisanim građevinskim i saobraćajnim elementima.

FOTO-SKICA
R-401 Prolaz kroz Bužim (prije rekonstrukcije)

Slika 1.



Slika 2.



FOTO-SKICA
R-401 Prolaz kroz Bužim (u toku rekonstrukcije)

Slika 1.



Slika 2.



Slika 3.



FOTO-SKICA
R-401 Prolaz kroz Bužim (završni radovi)

Slika 1.



Slika 2.

